

太原府志卷二十五

封爵

古聖王建邦設都樹后王君公於是乎封爵之典行焉
太原自臺駘肇封汾川而後歷唐虞夏商周迄於勝國
數千年間或分封茅土或拜爵名藩代不一人人不一
姓錫茲土者可謂盛矣夫河山帶礪之誓所以崇德報
功按籍而稽循名責實是亦考古者得失之林也志封
爵

上古

臺駘左傳鄭公孫僑曰金天氏之裔子曰昧生臺駘能業
其官宣汾洮障大澤以處太原帝用嘉之封諸汾川
杜預注太原晉陽也臺駘之所居

太原府志

卷二十五

封爵

一

實沈左傳高辛氏二子伯曰閼伯季曰實沈帝堯遷實沈
於大夏主參唐人是因以服事夏商 杜預注大夏今
晉陽縣唐人若劉累等

陶唐前編堯年十三佐帝摯封植受封於陶年十五復封
於唐

按黃帝之子首食於祁而世厥王帝堯生於丹陵徙
於祁故亦姓伊耆謂耆祁本一字也故今祁地北四
十里曰堯城南五十里曰平陶均稱帝堯始封地

虞

丹朱左傳襄二十四年晉士甸曰甸之先自虞以上為陶
唐氏 杜預注陶唐堯所治地太原晉陽縣也終虞之
世以為號 又晉蔡墨曰陶唐氏既衰其後有劉累學

擾龍於豢龍氏以事孔甲賜氏曰御龍以更豕韋之後
杜預注以累代彭姓之豕韋春秋疏云累遷魯縣豕
韋復國累裔孫猶守故地至商而滅累之後世復承其
國爲豕韋氏商末豕韋氏國於唐爲唐公成王滅唐遷
於杜爲杜伯其子隰叔奔晉四世及士會爲范氏

商

箕子尙書註鄭康成以爲微箕俱在圻內孔傳雖不言亦
當在圻內也 左傳晉敗狄於箕 杜預注太原陽邑

有箕城

陽邑卽太谷縣故名

周

晉姬姓侯爵周成王九年甲午封弟叔虞爲唐侯 毛詩
陸氏曰唐者帝堯夏禹所都之墟漢曰太原郡在古冀

太原府志

卷二十五

封爵

二

州太行恒山之西太原太岳之野 孔穎達正義漢地
理志云太原晉陽縣故詩唐國晉水所出東入汾是漢
時爲太原晉陽也 史記晉世家唐在河汾之東方百
里言百里則堯爲諸侯所居 又曰唐有亂政成王滅
唐遂封叔虞 又曰成王與叔虞戲削桐葉爲珪以與
叔虞曰以此封若史佚因請擇日立叔虞成王曰吾與
之戲耳史佚曰天子無戲言言則史書之禮成之樂歌
之於是遂封叔虞於唐 叔虞字子千傳十世至文侯
平王命爲侯伯錫之秬鬯珪瓚作文侯之命子昭侯封
其叔父成師於曲沃晉始分爲二以翼曲沃別之昭侯
之後傳四世至晉侯緡爲曲沃武公所併請命於周以
一軍爲晉侯至獻公子文公定襄王於郊出穀戍釋宋

圍敗楚城濮遂合諸侯於踐土襄王策命爲侯伯晉於是世主夏盟傳五世至悼公周三駕而楚弗能爭平公時政在六卿晉楚分霸昭頃而下公室益卑齊鄭判晉盟鹹晉始失霸十四年逐范中行氏智氏暨韓趙魏氏並強定公卒子出公奔齊哀公時韓趙魏滅智氏而分其地幽公時獨有絳曲沃二邑烈公十九年周命韓趙魏列爲諸侯號曰三晉靜公二年三晉共滅晉廢靜公爲家人晉祀遂絕

沈 姒 蓐 黃 左傳臺駘封於汾川沈姒蓐黃實守其祀 杜預註四國臺駘之後晉滅之

按四國皆在汾水之上

趙其先與秦同祖史記蜚廉有子曰季勝季勝三世爲造

太原府志

卷二十五

封爵

三

父以善御幸於周穆王得驥溫驪驘騶耳之駟西巡狩樂而忘歸徐偃王之亂造父爲御長驅歸周以救亂穆王以趙城封造父造父族由此爲趙氏傳七世至幽王時叔帶去周適晉事文侯五世生趙夙晉獻公賜趙夙耿夙生衰輔文公成霸業自衰以下世爲晉卿至襄子毋卹北滅代南并智氏六年與韓魏俱立爲諸侯而籍國晉陽至武靈王始徙邯鄲時攘地北至燕代西至雲中九原立少子何爲王自號主父欲令子主治國而自將士大夫從雲中九原直南襲秦滅中山遷其王至幽繆王遷滅於秦

秦

太原君白仲武安君起子始皇時追錄起勳封

漢

太原王劉參文帝子二年二月封三年徙王代并得太原郡都晉陽謚曰孝傳子共王登孫剛王義元鼎三年徙王清河

韓王韓信韓襄王孽孫高祖二年自立五年春封王潁川六年春徙王太原郡三十一縣都晉陽尋移治馬邑是年秋北降

祁侯繪賀高祖六年六月封邑千四百戶謚曰毅孫它國除

汾陽侯靳疆高祖十一年三月以破鍾離昧功封謚曰嚴子共侯解孫康侯胡襲元鼎五年改封胡子石為江鄒

侯按隋改陽曲為汾陽漢於

太原府志

卷二十五

封爵

四

鄒侯駟鈞齊哀王舅孝文元年四月封六年國除 史記

作清源侯

東漢

太原王劉章齊武王續長子建武二年封十一年徙淮陽

王

陽邑鄉侯馮魴中元二年四月以任司空封子桂嗣尚世

祖女獲嘉公主至孫定無嗣國除

晉陽侯張楊獻帝在安邑時拜安國將軍封

後漢

新興王劉恂後主子景耀二年封後入晉襲後主安漢公

爵新興即

嵐縣

魏

晉公司馬昭景元四年封咸熙初晉爵為王增封十郡并前二十郡

晉陽侯張遼黃初初繇都鄉侯晉封增邑千戶并前二千六百戶謚曰剛子虎孫統襲

陽曲侯郭淮嘉平二年以破廖化擒句安功繇都鄉侯晉封邑二千七百五十戶分三百戶封一子亭侯謚曰貞

子統襲

汾陽子郭正咸熙中以祖淮勲封

晉

太原王司馬瓌安平獻王第六子武帝初封邑五千四百九十六戶謚曰烈子顥襲咸寧三年徙河間王

太原王司馬輔安平獻王孚子武帝初封渤海王咸寧三

太原府志

卷二十五

封爵

五

年八月徙封謚曰成子宏襲徙中邱王

晉陽公武洽平北將軍五兵尚書別封大陵

大陵縣公溫羨以從駕討成都王穎功封謚曰元邑一千

八百戶

大陵即文水縣

祁侯李熹泰始初以佐命勲封

樓煩侯姬澹代公猗盧表授

樓煩郡屬嵐縣

附

太原王劉闡漢主曜子光始初封

太原王石斌晉咸和五年勒封七年石宏徙封章武王

太原王冉允閔子晉永和六年閔封

太原王慕容恪前燕主皝第四子儁立以戰功封

太原王慕容楷後燕主垂兄子垂署為征西大將軍封

樓煩公劉虎劉聰封

晉公苻柳健少子

太原公呂纂涼主光長庶子至姑臧封

太原公赫連昌屈子中子鳳翔元年封

太原公姚懿後秦主興子

北魏

晉王元伏羅世祖次子太平真君三年封加車騎大將軍

八年薨無子國除

太原王元弼永熙三年封

太原王乙渾和平三年正月由東郡公晉封

太原王爾朱榮建義元年四月戊戌封食邑二萬戶後累

增至二十萬戶子文殊襲

太原府志

卷二十五 封爵

六

太原郡公元大曹平陽王樂真曾孫高祖時諸王非太祖

子孫例降公大曹從優封太原

太原公王叡承明中封太和三年晉封中山王

太原公薛提由歷陽侯晉封弟浮子襲降侯

太原郡公子郊世宗時以後文封子暉襲

太原郡開國公子暉勁子建義四年封

太原郡開國公高澄天平二年封即齊文襄也

太原公高洋武定五年封即齊文宣也

晉陽公武洽賜田大陵子克巳襲

陽曲縣開國公斛斯椿莊帝初封食邑千戶改封深澤縣

前廢帝時改封城陽郡開國公增邑五百戶

陽邑縣開國公朱瑞建義初封食邑一千戶尋改封北海

郡開國公

晉陽侯元仙德 封爵年月無考

假榆次侯郭逸世祖時封

祁縣侯王思政孝武初以預定策功封又晉太原郡公

晉陽侯尉力斤諾子眷弟

晉陽伯元贊太和中封

晉陽縣伯李元忠武帝時封邑五百戶子搔襲

壽陽伯郭秀齊神武時以恩倖封

按榆次縣晉析為壽陽今以例載入

汾陽縣伯韓賢前廢帝時封邑五百戶

太原縣伯王則元象中封

壽陽縣伯郭秀齊獻武王封

太原府志 卷二十五 封爵

七

晉陽縣伯季元忠以建義功封

汾陽子伊馥神廡初封後晉魏安侯河南公

晉陽男元鷲高祖末封後晉華山王

晉陽男蘇壽興以闡官封養子淑襲

太原公主太祖時封

太原長公主裴詢尙主

附南朝封爵

新興王劉嵩宋明帝第十一子齊受禪降定襄縣公

新興郡王蕭大莊梁簡文帝第十三子大同元年由高唐縣

公晉封

新興王陳叔純宣帝第二十八子至德元年封入隋為河

北令

太原王陳叔匡宣帝第三十四子禎明二年封

西魏

晉王元名缺文帝子

太原郡公王思政以軍功積封後戰敗入東魏

晉陽縣侯王景思政孫

晉陽縣子李樹弼弟大統元年以自梁歸附封邑四百戶

又以功晉公增邑四百戶

陽邑縣子趙剛大統初封邑三百戶尋晉封臨汝縣伯

北齊

太原王高紹德文宣帝第三子天保初封河清元年被害

通考云子辨才襲

太原王婁昭天保初以武明皇后弟追封子仲遠襲改封

太原府志

卷二十五 封爵

八

濮陽王

汾陽縣伯韓賢子裔襲

太原縣伯王則以功封

太原公主魏孝靜帝后

北周

晉國公宇文護孝閔帝元年正月由中山公晉封邑一萬

戶

唐國公李虎天和六年封

太原公王柬天和六年封

太原公王康建德四年封

交城郡公薛端慶之弟子周初繇交城縣伯晉封子胄襲

晉陽縣公王韶以平齊功封宣帝初改封昌樂

新興公主晉公護女妻蘇威

隋

晉王楊廣即煬帝

晉王楊昭煬帝長子仁壽元年繇河南王改封大業元年立為皇太子

陽曲侯李恒開皇中封

唐

晉王李治太宗第九子貞觀四年由郟王晉封即高宗

晉王李普敬宗第五子寶歷元年封

祁王李祺昭宗第七子乾寧四年封

新興王李德良叔良弟武德初封孫晉襲以黨太平公主誅

太原府志

卷二十五

封爵

九

太原王李承宗建成長子早卒

新興郡王李誠代宗孫端王遇子

太原郡王武士護武后父以從高祖定京城封太原郡公

武德中晉應國公咸亨中晉王爵武后時追册先天中

仍為太原郡王

汾陽郡王郭子儀至德中封代國公上元三年晉封

樓煩郡王渾瑊後徙封咸寧王

太原王王處直朱溫表授定州節度天佑元年封入梁改

封北平王

太原郡王王方翼

晉國公薛稷元超從子以翊贊睿宗勳封後坐知竇懷貞

謀誅

晉國公王守一先天元年以誅蕭岑功封

祁國公王仁峻元宗時廢后父開元初封子守一繇晉國公襲後被害

晉國公李林甫長平王叔良曾孫開元二十年封

祁國公郭曙子儀第四子

晉國公韓滉貞元二年以屯田勲封

晉國公裴度元和十二年以平淮蔡勲封開成四年薨子

識襲

晉國公王鐸播從子廣明三年以平賊功封

晉國公田令孜廣明中以從駕幸成都封

晉國公杜讓能昭宗初繇襄陽郡公晉封

新興郡公趙文恪武德二年以佐命公封

太原府志

卷二十五

封爵

十

太原郡公郭知運開元二年以破突厥功封介休縣公六

年破吐番晉封

樓煩郡公跌跌思泰突厥部落開元二年歸降封

太原郡公郭縱曖第三子順宗初以尙漢陽公主封

太原郡公王用臨莊憲太后弟元和元年封

太原郡公王廷湊長慶三年戕成德帥田宏正稱留後太

和三年赦其罪封子元達尙壽安公主以破劉稹功復

封

晉陽郡公竇易直長慶四年封

太原郡公王播太和元年封

太原郡公白敏中宣宗時封

太原郡公郭仲文

太原郡公王搏

新興縣公王君愕武德初封太宗時從征遼東戰沒贈邢國公

新興縣公馬三寶柴紹家僮從定京師平薛仁果擊吐谷渾封新興縣男貞觀初晉封

清源縣公溫彥將彥博弟諡曰敏

清源縣公王駿開元二年以擊吐番功封清源縣男八年晉縣公十一年徙封中山

清源縣公王嗣忠海賓子開元中封清源縣男天寶四載晉縣公

太原縣公王鋹天寶十載封

太原縣伯王紹懿元達子紹懿卒兄紹鼎子景崇襲後更太原府志

卷二十五

封爵

士

封太原縣男

祁縣子溫造太和二年封

清源縣男王兆長壽中以討吐番功封

太谷縣男王海賓太子右衛率豐安軍使

祁縣男王璠建中時封

晉陽縣男白居易太和初封開成中晉廣平縣侯

晉陽縣男郭睨子儀從子

晉陽縣男楊收咸通四年封九年奪爵子鉅乾寧初復封

晉陽縣男楊牧隋越國公素後以籌破南蠻功封

太原縣男王景崇紹鼎子初襲太原縣伯後以平徐寇功

改封尋晉趙國公

新興公主太宗第十五女長孫曦尚主

晉陽公主太宗第十九女年十二薨

晉國公主元宗第九女崔惠童尚主貞元元年徙封

晉陽公主代宗第十三女裴液尚主

清源公主穆宗第五女

新興公主昭宗第九女

晉國太夫人王氏朱温母

晉國夫人曹氏唐莊宗母

太原郡君王氏汾陽王郭子儀夫人天寶中封

五代

太原王劉智遠晉出帝初封開運二年四月徙北平王

太原王閻寶晉天福中追封

晉王柴榮周廣順三年甲申封即世宗也

太原府志

卷二十五

封爵

十三

晉王柴熙讓世宗子顯德元年八月封

祁國公符彥卿晉開運初封

晉國公主後唐明宗女石敬瑭尚主

晉國公主周太祖女張永德尚主

晉國夫人夏氏後唐長興四年三月甲辰追册為皇后

宋

晉王趙光義即太宗開寶六年九月封

祁王趙仲僕商王元份曾孫

祁王趙謨徽宗子由鎮國公晉封

祁王趙維理宗子嘉熙二年十一月追封

太原郡王趙仲綜漢王元佐曾孫

太原郡王王景建隆元年正月封

新興郡王吳蓋乾德中以憲聖后弟封

清源郡王何執中徽宗時追封

祁國公趙允升漢王元佐長子皇祐中爵除

祁國公趙承裔魏王廷美孫

祁國公趙宗說漢王元佐孫

祁國公趙宗述鎮王元偓孫

祁國公趙克頤魏王廷美曾孫

祁國公趙克揚魏王廷美曾孫

祁國公趙偲神宗子元祐元年八月封紹聖四年晉永寧

郡王

祁國公趙茲寧宗時立為皇子封尋晉濟國公

祁國公王潛太平興國初封

太原府志

卷二十五

封爵

十三

晉國公丁謂乾興元年二月封

祁國公杜衍皇祐初封

祁國公王德用仁宗時封尋晉冀國公

祁國公富弼英宗初封尋晉鄭國公

新興郡侯趙從郁英國公惟憲子

清源侯趙仲厥商王元份曾孫

清源侯趙叔紺魏王廷美元孫

清源侯趙叔芬魏王廷美元孫

清源侯趙令格秦王德芳元孫

清源侯趙令簫秦王德芳元孫

清源侯趙士永漢王元佐元孫

清源侯趙士郵商王元份元孫

清源侯趙士園商王元份元孫

清源侯趙士攸商王元份元孫

清源侯趙搏之魏王廷美五世孫

清源侯趙導之魏王廷美五世孫

清源侯趙公邵魏王廷美六世孫

清源侯趙公鉉魏王廷美六世孫

太原郡公王拱辰神宗元豐中封

汾陽郡開國侯郭贊端拱中為尚書工部侍郎封食邑一

千戶

晉國長公主太宗女真宗初晉長公主又晉大長公主石

保吉尚主

祁國大長公主仁宗第十一女曹詩尚主

太原府志

卷二十五

封爵

古

唐國長公主神宗第三女下嫁韓嘉政和元年追封

祁國公主寧宗女生六月而薨追封

晉國太夫人孫氏張齊賢母太宗封

遼

晉王隆慶景宗第四子開泰初由梁王晉封

晉王耶律敖盧斡天祚帝長子乾統六年十一月封保大

二年被害

晉王耶律仁先咸雍元年十二月繇遼王徙封

晉王耶律德昌統和二十二年十二月皇太后賜大丞相

齊王韓德昌姓耶律徙王晉皇族魏王子耶魯襲天祚

時皇子敖盧斡襲

晉王道隱義宗子統和元年甲戌繇荆王追封

晉王蕭孝先重熙四年繇楚王徙封

晉王蕭普古景福元年七月封

晉國王蕭孝穆興宗后父重熙十一年繇齊王追封

晉國蕭朮哲孝穆姪咸雍中追封徙封宋

晉國公楊替咸雍中拜樞密使繇齊國公改封又晉趙王

晉國長公主世宗女保寧間封蕭夏刺尙主

晉國公主聖宗女繇越國晉封景福初晉晉蜀國長公主

蕭孝忠尙主

晉國長公主興宗女繇魏國徙封蕭窩匿尙主

金

并王完顏允中明昌二年四月甲午繇趙王改封三年晉

封鎬王

太原府志

卷二十五

封爵

五

晉國王完顏宗翰卽粘罕也天會十三年三月甲午封

晉陽公郭文振興定四年二月封

晉陽公郭棟正大間繼封

汾陽郡公郭寶王金末封後降元

元

晉王甘麻刺裕宗長子至元二十九年繇梁王改封後追

號顯宗子也孫帖木兒襲大德六年承統卽泰定帝

晉王八的麻亦兒間卜泰定元年封天歷元年殞於上都

并王晃火帖木兒泰定二年繇嘉王改封

汾陽王別帖木兒濶端太子孫延祐七年封

茶合解太王太祖次子太宗八年撥太原四萬七千三百

三十戶十年增正定深州一萬戶延祐六年實有一萬

七千二百一十一戶絲六千八百三十八劬

伯八千戶勲臣憲宗七年撥太原一千一百戶延祐六年

實有三百五十一戶絲一百四十劬

按察兒官人勲臣定宗二年撥太原五百五十戶延祐六年實有九十八戶絲二十九劬

明

晉恭王桐太祖第三子母高皇后也戊戌年十二月十八日生學文於宋濂學書於杜環洪武三年四月初七日封十一年四月十六日就藩太原中道笞膳夫上戒之桐脩目美髯顧盼有威多智數嘗裂人以奔馬或告桐藏兵五臺山中皇太子請巡邊與俱來乃巡歷燕代及晉與桐昆弟飲甚驩浹旬借至河南太子告之故令入

太原府志

卷二十五

封爵

六

朝廢爲庶人與太子友愛彌篤日夜號泣悔罪詔復其爵聽歸藩更以恭慎聞待長史桂彥良汪河皆有禮二十六年命總宋國公馮勝兵與燕王同出塞桐行不及燕王第築城於下水切責之洪武三十一年四月十六日薨葬駝山妃謝氏左武傳晉封永平侯成女子定王濟熿嗣其弟平陽王濟熿幼狠戾濟熿旣嗣王濟熿嗾其弟慶成王濟炫等日訴濟熿過於朝又誘官校交致其罪歷八年不已永樂十二年奪濟熿爵與世子美圭皆爲庶人立濟熿爲晉王濟熿旣立驕姿暴橫毒弑嫡母謝氏逼烝恭王侍兒吉祥幽濟熿父子蔬食不給恭王宮中老媪走訴成祖乃卽獄中召晉府故承奉左微問之盡得濟熿搆濟熿狀立釋微命馳召濟熿幽空室

已十年及徵至釋濟熿父子相抱持大慟謁行在所成
祖惻然封美圭平陽王使奉父居平陽予以恭王故連
伯灘田濟熿不與美圭田美圭上言連伯灘地隸平陽
不隸太原因及曩誣構事仁宗遣人視地果隸平陽又
書諭濟熿濟熿益怨望廣致妖巫詛咒不輟宣帝卽位
濟熿密遣人結高煦寧化王濟煥告變比擒高煦又得
濟熿交通書濟熿使高煦人懼罪及亦首實上書諭諸
王去歲高煦反罪人旣得奸黨人皆言趙晉二王實與
謀予未忍信今晉府人累上變告徐察之有驗不誣趙
王自知事不可掩已辭護衛濟熿得罪宗社不敢以私
親廢大義謹遵祖訓免爲庶人幽鳳陽同謀妖巫官屬
悉論死時宣德二年也乃復封濟熿爲晉王宣德十年

薨諡曰定妃傅氏潁國公友德女子憲王美圭嗣正統
六年薨在位七年壽四十三庶長子莊王鍾鉉以正統
七年自榆社王嗣宏治十五年薨在位六十一年壽七
十五世子竒源及其子表榮皆前死表榮子端王知焯
嗣追封竒源靖王表榮懷王知焯七歲而孤能盡哀居
母喪嘔血芝生寢宮在位三十一年壽四十五嘉靖十
二年薨妃殷氏無子再從子簡王新塏嗣靖王庶子新
化王表棟榮澤王表檉皆懷王弟端王諸父也表棟前
死諡恭裕子知懶嗣爲新化王亦前死諡端和二子新
塏新橋端王請新塏嗣新化王未封而端王薨表檉謀
攝府事端王妃王氏曰王無後次及新化王今有孫新
塏在卽召入爲喪主表檉疏言新塏端和王長子不得

爲人後新塢宜嗣新化王新塢宜嗣晉王禮部議新塢
宜嗣追封祖表棟安王父知燦康王新塢母太妃尙氏
嚴教子以禮太妃疾新塢叩頭露禱吏士長史有數陳
輒拜受教其老也以弟新塢子慎鏡攝藩事萬歷三年
薨慎鏡亦薨弟惠王慎鋹嗣追封慎鏡敬王七年薨子
穆王敏淳嗣請於朝封新塢爲和王三十八年薨子求
桂嗣李自成陷山西脅求桂入京不知所終

晉王濟熿恭王第三子永樂十二年由平陽王晉封宣德
二年因高煦事廢

寧化王濟煥恭王第五子府在晉府西宣德八年封謚懿
簡子僖順王美壤襲薨子鍾炳襲以罪幽卒長子奇瀝
亦卒追嗣悼康王子康和王表棟襲薨子知燼襲謚恭

太原府志

卷二十五 封爵

六

端薨子新壠襲薨謚莊定子慎鑿嗣封

廣昌王濟煇恭王第七子府在晉府西永樂初封謚悼平
子安僖王美堅襲無嗣

交城王美垞晉定王第二子國平陽謚榮順子莊僖王鍾
鏞襲薨子榮惠王奇滄襲無子以莊僖第三子鎮國將
軍奇瀟子榮端王表杙襲晉鎮國榮僖王榮端薨無子
以莊僖第六子鎮國將軍奇伊子端和王表相襲晉鎮
國恭簡王端和自陳昌封准終身王薨爵除

陽曲王美琬晉定王第三子國平陽謚榮靖子鍾鍍襲以
罪廢子孫以鎮國將軍遞降管府事

方山王美垣晉定王第五子府在廣昌王府西正統二年
封謚莊憲子昭僖王鍾鋹襲以罪除子孫以鎮國將軍

遁降理府事

臨泉王美塔晉定王第六子府在晉府西正統二年封謚

莊簡子悼昭王鍾鏤襲薨子榮穆王奇涓襲薨子表杓

先卒年十七追封莊靖王子知焯襲無嗣

靈邱王美堦晉定王第七子府在晉府西正統二年封謚

簡靖子端惠王鍾鋌襲薨子恭僖王奇渲襲薨子表樟

襲無嗣

寧河王美埴晉定王第八子府在晉府北正統二年封謚

康僖子安憲王鍾鏤襲薨子穆簡王奇沅襲薨子榮莊

王表楠襲薨子恭懿王知焄襲薨子定惠王新睢襲薨

無子除

徐溝王鍾鐸晉憲王第二子府在省城正統六年封謚悼

太原府志

卷二十五

封爵

九

僖年二十五無嗣

河東王鍾鏞晉憲王第三子府在晉府東南正統十三年

封謚昭靖子榮安王奇淮襲子鎮國將軍表枋先卒子

榮懿王知炯襲追封父為恭憲王榮懿薨子端穆王新

墳襲薨子慎鍵襲

太谷王鍾鉉晉憲王第四子府在省城正統十四年封謚

懷僖無嗣

義寧王奇漢晉莊王第二子府在晉府東天順二年封謚

榮康子僖裕王表規襲薨子端靖王知燁襲薨子康定

王新堦襲薨子慎鋌襲

河中王奇溶晉莊王第三子府在晉府東成化元年封謚

悼懷子康簡王表梓襲薨子知炬襲

襄陰王竒澠晉莊王第四子府在晉府東成化五年封諡
安惠子宣懿王表榘襲無嗣

親化王表謙晉靖王第二子府在晉府西正德五年封諡
恭裕子端和王知燿襲薨子新垣晉封晉王

安溪王表榘晉靖王第三子府在省城以鎮國將軍卒正
德三年追封諡懷僖無嗣

靖安王表秩晉靖王第四子府在省城正德六年封諡康
僖子知燿襲諡恭懿子新環嗣封

旌德王表栝晉靖王第五子府在晉府東正德五年封諡
懷安子榮穆王知燾襲無嗣

滎澤王表榘晉靖王第六子府在晉府東北正德七年封
諡安懿子端簡王知燿襲無嗣

太原府志

卷二十五 封爵

三

清源王幼埉潘康王第三子正統十一年封博學能文有
飲河集二十五卷續集八卷家訓詠史詩諡莊簡子榮
僖王詮鎔襲薨子端和王勛瀉襲薨子印奶襲輔國將
軍勲漣字叔文嗜吟詩與從子印杉印柠印析及諸名
士賡和皆清源之後也

太原郡侯王鼎太平府院判太祖卽吳王位追封

太原郡侯許瑗庚子閏五月太平死事洪武年追封

太原郡侯王道同處州死事洪武年追封

太原郡侯王勝鄱陽湖戰歿洪武年追封

太原郡伯王峻住鄱陽湖死事洪武年追封

榆次伯張廉宣德七年追封諡忠敏

清源伯冀傑宣德中追封諡忠壯

太原長公主仁祖女適王七一洪武初遣封命有司具禮
改葬

太原府志

卷二十五

封爵

三